



Broj: T09 0 KTK 0184075 23
Sarajevo, 14.09.2026. godine

Opštinskom sudu u Sarajevu
Sarajevo
- sudiji za prethodno saslušanje -

Na osnovu člana 45. stav (2) tačka i) Zakona o krivičnom postupku Federacije Bosne i Hercegovine (ZKP FBiH) („Službene novine Federacije Bosne i Hercegovine“, br. 35/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20) i člana 241. stav (1) ZKP FBiH, p o d i ž e m o

OPTUŽNICU

protiv:

Karup Ermin, rođen 1963. godine, sa prijavljenim prebivalištem na, na adresi u ul., po narodnosti Bošnjak, državljanin Bosne i Hercegovine, JMBG:, po zanimanju medicinski tehničar, zaposlen u Javnoj ustanovi Opća bolnica „Prim. dr. Abdulah Nakaš“ Sarajevo kao glavni medicinski tehničar u Odjeljenju za urgentnu medicinu, oženjen, otac dvoje punoljetne djece, pismen, SSS - srednja medicinska škola, služio Jugoslovensku narodnu armiju u Trebinju i Sarajevu 1983/84. godinu, nema čin rezervnog vojnog starješine, ne vodi se u vojnoj evidenciji niti kod organa nadležnog za poslove odbrane, neodlikovan, dobrog imovnog stanja, neosuđivan, ne vodi se drugi krivični postupak protiv njega,

što je

u periodu od najranije aprila 2021. do najkasnije kraja 2022. godine, u prostorijama Javne ustanove Opća bolnica „Prim. dr. Abdulah Nakaš“ Sarajevo, u statusu glavnog medicinskog tehničara Odjeljenja za urgentnu medicinu, svjestan da korišćenjem svog statusa uticajnog položaja u JU Opća bolnica „Prim. dr. Abdulah Nakaš“ Sarajevo kao glavnog medicinskog tehničara na Odjeljenju za urgentnu medicinu JU Opća bolnica „Prim. dr. Abdulah Nakaš“ Sarajevo, posreduje, a za račun D.B., kod odgovornih lica u institucijama Federacije Bosne i Hercegovine da izvrše službenu radnju produženja ugovora o radu na određeno vrijeme, koju službenu radnju je ovlašten preduzeti direktor ustanove na osnovu člana 32. stav (1) i (2) Uredbe sa zakonskom snagom o ustanovama („Službeni list Republike Bosne i Hercegovine“, br. 6/92 i 8/93) prema kojem direktor organizuje i rukovodi radom ustanove i odlučuje o pravima, obavezama i odgovornostima radnika iz radnog odnosa, primajući novčanu nagradu za sebe za takvo posredovanje, što je i htio, znajući da je članom 9. stav (4) Pravilnika za prevenciju i sprečavanje korupcije u JU Opća bolnica „Prim. dr. Abdulah Nakaš“ Sarajevo br. 332-156/17 od

23.11.2017. godine propisano da su ustanovi propisane procedure u oblasti zapošljavanja da se isključi i najmanja mogućnost favorizovanja kandidata odnosno radnika, a članom 21. stav (3) citiranog pravilnika propisano da su svi zaposleni u Ustanovi dužni, u okviru svojih nadležnosti i ovlaštenja, preduzeti potrebne radnje radi sprečavanja daljeg nepravilnog postupanja, na način da je koristeći svoj status zaposlenika Odjeljenja za urgentnu medicinu JU Opća bolnica „Prim. dr. Abdulah Nakaš“ Sarajevo koji se ogledao u davanju preporuka i izjašnjenja, hijerarhijski i linijom rada u ustanovi, na odlučenje direktoru ustanove kao odgovornom licu JU Opća bolnica „Prim. dr. Abdulah Nakaš“ Sarajevo o medicinskom osoblju neophodnom za funkcionisanje Odjeljenja za urgentnu medicinu uticanjem, preko glavnog medicinskog tehničara ustanove i njemu poznatih, a drugih zaposlenika ustanove, preporukama na donošenje odluke sa kojim medicinskim osobljem zaposlenim na određeno vrijeme će se zaključiti novi ugovor o radu na određeno vrijeme u JU Opća bolnica „Prim. dr. Abdulah Nakaš“ Sarajevo, najprije tačno neutvrđenog dana prije 29.04.2021. godine od D.B. na ime posredovanja da direktor kao odgovorno lice JU Opća bolnica „Prim. dr. Abdulah Nakaš“ Sarajevo zaključi novi ugovor o radu na određeno vrijeme na određeno vrijeme sa D.B. kao zaposlenicom JU Opća bolnica „Prim. dr. Abdulah Nakaš“ Sarajevo primio novčanu nagradu od 1.000,00 Eura (što je na dan 29.04.2021. godine po srednjem kursu Centralne banke Bosne i Hercegovine iznosilo 1.955,83 KM), nakon čega je, nakon preporuke i izjašnjenja Karup Ermina glavnom medicinskom teničaru ustanove da je njen dalji angažman potreban na Odjeljenju za urgentnu medicinu, D.B. sa JU Opća bolnica „Prim. dr. Abdulah Nakaš“ Sarajevo zaključila ugovor o radu br. od 09.05.2021. godine na određeno vrijeme za period od 09.05.2021. godine do 08.08.2021. godine na radnom mjestu medicinska sestra u Odjeljenju za urgentnu medicinu, a potom, tačno neutvrđenog dana prije 25.06.2021. godine od D.B. na ime posredovanja da direktor kao odgovorno lice JU Opća bolnica „Prim. dr. Abdulah Nakaš“ Sarajevo zaključi novi ugovor o radu na određeno vrijeme sa D.B. kao zaposlenicom JU Opća bolnica „Prim. dr. Abdulah Nakaš“ Sarajevo primio novčanu nagradu od 1.500,00 KM dajući joj prije pismenog testiranja cedulju sa deset tačnih odgovora na pitanja na pismenom testiranju po Javnom oglasu za prijem u radni odnos na određeno vrijeme do jedne godine na radno mjesto medicinska sestra - tehničar objavljenom 17.05.2021. godine u JU Opća bolnica „Prim. dr. Abdulah Nakaš“ Sarajevo nakon čega je, nakon preporuke i izjašnjenja Karup Ermina da je njen dalji angažman potreban na Odjeljenju za urgentnu medicinu, D.B. sa JU Opća bolnica „Prim. dr. Abdulah Nakaš“ Sarajevo zaključila ugovor o radu br. od 06.08.2021. godine na određeno vrijeme za period od 09.08.2021. godine do 08.08.2022. godine na radnom mjestu medicinska sestra u Odjeljenju za urgentnu medicinu, i konačno, tačno neutvrđenog dana prije 08.11.2022. godine od D.B. na ime posredovanja da direktor kao odgovorno lice JU Opća bolnica „Prim. dr. Abdulah Nakaš“ Sarajevo zaključi novi ugovor o radu na određeno vrijeme sa D.B. kao zaposlenicom JU Opća bolnica „Prim. dr. Abdulah Nakaš“ Sarajevo primio novčanu nagradu od 1.000,00 KM nakon čega je, nakon preporuke i izjašnjenja Karup Ermina da je njen dalji angažman potreban na Odjeljenju za urgentnu medicinu, D.B. sa JU Opća bolnica „Prim. dr. Abdulah Nakaš“ Sarajevo zaključila ugovore o radu br. od 09.08.2022. godine i

od 09.11.2022. godine na određeno vrijeme za period od 09.08.2022. godine do okončanja produre Javnog oglasa za prijem po konkursu za prijem u radni odnos na neodređeno vrijeme u JU Opća bolnica „Prim. dr. Abdulah Nakaš“ Sarajevo na radnom mjestu medicinska sestra u Odjeljenju za urgentnu medicinu,

dakle, primio nagradu za sebe da posreduje, koristeći svoj uticajni položaj i drugi status da odgovorno lice u institucijama u Federaciji izvrše službenu radnju,

čime bi, počinio produženo krivično djelo Primanje nagrade ili drugog oblika koristi za trgovinu uticajem iz člana 382. stav (3) u vezi stava (2) Krivičnog zakona Federacije Bosne i Hercegovine (KZ FBiH) („Službene novine Federacije Bosne i Hercegovine“, br. 36/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23) u vezi člana 55. KZ FBiH.

Na osnovu člana 382. stav (4) KZ FBiH, člana 114. KZ FBiH, člana 115. stav (1) KZ FBiH i člana 10. stav (3) Zakona o oduzimanju nezakonito stečene imovine krivičnim djelom Federacije Bosne i Hercegovine („Službene novine Federacije Bosne i Hercegovine“, br. 71/14), podnosimo:

PRIJEDLOG ZA ODUZIMANJE IMOVINSKE KORISTI PRIBAVLJENE KRIVIČNIM DJELOM

Predlažemo da se od osumnjičenog Karup Ermina trajno oduzme imovinska korist u iznosu od 4.455,83 KM, koja se ima uplatiti na račun Federalne agencije za upravljanje oduzetom imovinom broj otvoren u d.d. Sarajevo.

Na osnovu člana 71. stav (1) tačka c) KZ FBiH, člana 76. KZ FBiH i člana 420. ZKP FBiH, podnosimo:

PRIJEDLOG ZA IZRICANJE SIGURNOSNE MJERE

Predlažemo da se, ukoliko nakon provedenog glavnog pretresa osumnjičeni Karup Ermin bude oglašen krivim, prema istom izrekne sigurnosna mjera *zabrana vršenja poziva, aktivnosti ili funkcija* i to zabrana obavljanja poziva glavnog medicinskog tehničara u zdravstvenim ustanovama u trajanju od pet godina, računajući od dana pravosnažnosti odluke.

TUŽILAC